

天津縣志卷之十

海防志

百里之邑而帶甲萬人其地重矣縣隸唐之范陽節度宋泥姑三女小南河三砦及當城在焉元專設海津一鎮又設副都指揮使鎮遏之有明置衛設鎮實踵諸此蓋邑瀕少海西隈萊登遼陽左右相望雍正中置水師都統與總鎮竝為三方之中權靖邊遠模莫此為盛附海道海運於後者見鯨波不興梯航來享者咸仰中國之有

聖人也志海防

天津縣志

卷之十 海防

漢郡國設材官有漁陽突騎及漁陽營

晉設幽州都督及持節監軍

北魏置冀州都督

北周設幽州總管

隋設涿郡留守

唐設幽州范陽郡大都督府

幽州府兵十四軍


滄景節度使

橫海軍義昌軍乾寧軍幽州招搖軍河北道屯田

後梁設順化軍

後晉設橫海軍

後周設保順軍



宋設橫海軍乾寧軍乾符砦海清砦三河砦河平砦
小南河砦釣臺砦獨流東砦獨流北砦當城砦沙
渦砦百萬砦

金設橫海軍諸路効節軍渤海軍

元設海津鎮及邊鎮指揮萬戶府

明設天津衛指揮千百戶及海防營總兵遊擊城守
營都司

國朝設天津水師營 雍正四年設

都統一員 駐劄天津海口蘆家嘴

協領四員

天津縣志 卷之十 海防

佐領二十四員

防禦二十四員

驍騎校二十四員 以上滿洲

協領二員

佐領八員

防禦八員

驍騎校八員 以上蒙古

領催前鋒甲兵二千名砲手一百四十四名馬
二百匹每歲應支俸餉馬乾等銀六萬六千九
百二十三兩米一萬一千二百二十七石四斗

五升截漕支給

附載總領教習一員教習官十六員水手正舵工正繚手正旋手正阿班正舢班副舵工副繚手副旋手副阿班副舢班以上各三十二名共水手三百二十名每歲應支俸薪工食等銀一萬二千五百九十九兩一分一釐九毫九絲二忽米一千九百二十九石六斗截漕支給

天津河標營

雍正八年設

總督河道都察院右副都御史一員

駐劄天津府城

左營

原通協之務關路營雍正十年改撥河標左營

天津縣志

卷之十 海防

三

副將一員

原設遊擊康熙四十年改設參將雍正十年改設副將

中軍都司一員

千總二員

把總三員

內一員駐劄天津府城

馬兵一百一十三名守兵四百四十一名每歲俸餉馬乾等銀一萬四百八十八兩七錢六分三釐九毫九絲二忽米折銀一千九百九十四兩四錢

右營

原通協之張灣營雍正十年改撥河標右營

遊擊一員

雍正十年增設

中軍守備一員駐劄天津府城

千總一員雍正十年增設駐劄天津府城

把總五員原二員雍正十年增設

馬兵八十名守兵二百七十二名每歲俸餉馬乾等銀七千八十兩四錢四分五釐五毫九絲六忽米折銀一千二百六十七兩二錢

天津鎮營

總兵官一員駐劄天津府城

統順天永平河間天津四府所屬通州三河縣寶坻縣香河縣寧河縣宛平縣大興縣武清縣文安

天津縣志 卷之十 海防

縣霸州東安縣固安縣永清縣涿州良鄉縣保定縣大城縣豐潤縣玉田縣樂亭縣灤州撫寧縣昌黎縣臨榆縣河間縣獻縣任邱縣肅寧縣阜城縣交河縣景州故城縣東光縣吳橋縣寧津縣天津縣靜海縣青縣滄州鹽山縣慶雲縣南皮縣等處

左營

中軍遊擊一員駐劄天津府城

中軍守備一員

千總一員

把總三員內一員駐劄天津府城

外委五員

馬守兵五百三十四名馬兵每名每月餉銀二兩米三斗折銀三錢春冬二季馬每匹乾銀九錢夏秋二季馬每匹牧青銀五錢守兵每名每月餉銀一兩米三斗折銀三錢內存津把總一員轄馬兵五十八名守兵三百二名
按大清會典津鎮原設中軍順治二年裁旗鼓守備順治十五年裁

右營

遊擊一員

駐劄滄州

天津縣志

卷之十 海防

五

中軍守備一員

駐劄天津府城

千總二員

把總四員

外委五員

馬兵一百一十二名守兵四百九十七名

月支餉銀

同上

大沽營

遊擊一員

駐劄大沽

按大清會典遊擊一員原駐大沽順治十年移葛沽十二年仍歸大沽

中軍守備一員駐劄葛沽

按大清會典中軍守備一員原駐大沽順治十年移葛沽

千總一員

把總二員

馬兵四十五名守兵三百八十七名月支餉銀同上

城守營天津衛志崇禎十三年李繼貞題請添設向駐拱極城康熙十七年移駐天津

都司一員

中軍千總一員駐劄天津府城

把總二員一轄北馬頭汛一轄楊柳青汛

天津縣志 卷之十 海防

外委四員

馬守兵四百四十二名月支餉銀同上

按存城千總一員管城內五堆汛鼓樓汛鼓樓

南汛鹽法道汛神機庫汛費家衝衝汛城外九

堆汛天齊廟汛閘口汛姜刹汛城南角汛永豐

屯汛板橋汛河北戶部前汛戶部中汛戶部後

汛守兵五十六名每汛四名

汛地

北馬頭汛把總一員城守營

外委把總一員

守兵三十三名

東接本營楊柳青汎南接王慶坨營西北俱接河標左營

楊柳青汎把總一員城守營

分防河東汎外委把總一員

馬兵二名守兵三十名

東南北俱接河標左營西接本營千總汎

分防河頭汎王慶坨營千總一員駐劄武清縣

守兵五名營房十間

按北馬頭楊柳青二汎計五十八里水旱十撥

天津縣志

卷之十 海防

七

葛沽汎守備一員大沽營

馬兵九名守兵一百名

東接本營海口汎南接靜海汎西接本營雙港

汎北抵大河隔河北岸接寧河縣汎

雙港汎千總一員大沽營

馬兵五名守兵三十七名

東接本營葛沽汎南接靜海縣汎西接城守營

北馬頭汎北抵大河隔河北岸接天津縣防官

海口汎雙港汎千總兼防

馬兵四名守兵三十三名

東抵海南接本營祁口汛西接本營葛沽汛北抵大河隔河北岸接寧河縣汛

祁口汛把總一員

大沽營

馬兵八名守兵七十名 瞭望木樓四座

東抵海南接右營鹽山汛西接左營嚴鎮汛北抵大河隔河北岸接寧河縣汛

砲臺

正南一座 海光寺西

東南一座 馮家口

東北一座 三岔河北

天津縣志

卷之十

海防

八

又一座 窪窪河南

正北一座 西沽

西北一座 河北邵公莊

正西一座 雙忠廟

墩臺

西沽 唐家灣

北倉 韓家樹

蔡家口 榆樹墳

疙疸 姜家井

三河頭

以上各墩臺一座營房十間

八里臺

梨園頭

以上二臺各墩臺一座營房五間現在估建

海道附考

圖書編山東青沉峰歷胡峰爲高港巡司界沙嘴
峰爲靈山衛界黃埠峰爲夏河塞界洋河爲膠州
界大勞山田橫島爲鼇山衛界走馬峰爲卽墨界
馬山爲浮山所界甸島赤島爲雄岸所界吾徐福
山爲大山所界巨高島爲大嵩衛界竹島爲海隅
所界松島莫邪島漫雞島爲靖海衛界佛島爲津
天津縣志

卷之十

海防

九

寧所界五壘島下勞山爲尋山所界歇馬墩洛口
堡爲成山衛界海牛島爲不夜城界竇家峰爲百
尺巖所界古陌頂爲威海衛界父島爲金山所界
新安堡戲山峰爲寧海衛界海鷄山爲竈河寨界
武家莊爲馬埠寨界洋山爲萊州界八角島蜿蟻
島爲登州界劉馬窪爲盧洋寨界沙門島爲解宋
寨界單山爲黃縣界桑島爲馬停寨界龜島爲昌
邑縣界歆未島爲壽光界都里鎮爲蒲臺界青島
爲利津界黃島爲賓州界直沽口爲寶坻縣界塔
山爲盧龍衛界蔬菜島爲中前所界牛車島爲中

後所界孤山爲中右所界何陽島羅兒島爲金州
衛界石灘島爲左所界東雲島黃駝島爲蓋州衛
界屏風山爲復州衛界鳳凰山爲中左所界女兒
河爲中屯衛右屯衛界遼河渡古寺島爲廣寧衛
界麻田島平島爲海州衛界湯站堡爲鎮遼所界
臨江爲義州界計一千三百餘里爲鴨綠朝鮮界
總其入寇則隨風所之由大洋而風歛東南也則
犯淮陽登萊若在五島開洋而南風方猛則趨遼
陽天津防倭者以三四月爲大汛九十月爲小
汛向之入寇者薩摩肥後長門三州之賊居多其

天津縣志

卷之十

海防

十

次則大隅筑前筑後博多博人善造舟而豐前豐
後和泉之人間亦有之乃因商於薩摩而附行者
又勞山赤山竹篙旱門劉公芝界八角沙門諸島
乃賊之所必泊而我之所當伺者也秋汛以防邊
爲重防海爲次春汛以防海爲重防邊爲次

海運道附考

續文獻通考自劉家港開船出揚子江靠南岸徑
使候潮長沿西岸行使好風半日到白茆港在江
待之潮平帶蓬櫓搖過撐脚沙尖轉過崇明沙嘴
挑不了水望正東行使無礙南有朱八沙婆婆沙

三脚沙可須避之揚子江內北有雙塔開有范家
港沙灘東南有張家沙灘江口有陸家沙脚可避
口外有暗沙一帶連至崇明洲沙亦可避之江北
有瞭角嘴開洋或正西西南西北風待潮落往正
東或帶北一字行使截水約半日可過長灘便是
白水洋望東北行使便見官綠水一日便見黑綠水
循黑綠水望正北行使好風兩日一夜到黑水洋
好風一日一夜或兩日兩夜便見北洋綠水好風
一日一夜依針正北望便是顯神山好風半日便
見成山自轉瞭角嘴東過長灘依針正北行使早

靠桃花斑水邊北有長灘沙嚮沙半洋沙陰沙冥
沙切可避之如在黑水洋內正北帶東一字行使
料量風沉日期不見成山見黑水多必是低丁可
見升羅嶼海中島西邊有不等磯如筆架山樣卽
便復回望北帶西一字行使好風一日一夜便見
成山若過黑洋見北洋官綠水色或隴必見延真
島望西北見箇山尖便是九峰山向北一帶連去
有赤山牢山二處皆有島嶼可以拋泊若牢山北
望有北茶山白蓬頭石礁一路橫開百餘里激波
如雪卽便開使或復回望東北行使北有馬安山

竹山島南可入拋泊北是旱門亦有漫灘也可拋泊但東南風大不可拋擊北向便是成山如在北洋官綠水內好風一日一夜正北望見山便是顯神山若挑西一字多必是高了但見赤山九峰山西南洋有北茶山白峰頭即便復回望東北行使好風半日便見成山一轉過成山望西北行使前有鷄鳴嶼內有浮礁一片可以避之往西有夫人嶼不可在內使船收到劉島西小門也可進廟前拋泊劉島開洋正西行使好風一日到芝罘島東北有門可入西北離有百餘里有黑礁一片三四

畝大避之收到八角島東南有門可入自芝罘島有好風半日使過抹直口有金嘴石衝出洋內潮落可見避之至新河海口到沙門島東南有淺可挨深行使南門可入東邊有門有暗礁三塊日間可行西北有門可入廟前拋泊沙門島開洋望北徑過砣磯山欽島沒島南半洋北半洋到鐵洋往東收旅順口黃洋川西南有礁黃洋川東收平島口外有五箇饅頭山進口內拋泊南邊一路老岸外有一孤山望成兒嶺盡頭東望有三山正中進入內有南北沙帶一條相連陡岸深水可以拋泊

三山西有南山收進清泥窪西有松樹島北有孤
山東北望看鳳凰山便是和尚島烽墩下占西有
礁石西北有倉廟外有淺灘亂礁避之三山北看
青島一路山望海駝收黃島使島鐵山往西收羊
頭窪雙島有半邊山艾子口看塔山看連雲島東
北看蓋舟一路山看鹽場西看寶塔臺便是梁房
口進入三叉河收牛壯馬頭拋泊直沽開洋望東
拋南一字行使一日一夜見半邊山便見沙門島
若挑南字多了必見萊州三山便挑東北行使半
日便見沙門島若挑北字多必見砣磯山往南收

天津縣志

卷之十

海防

三

登州衛北沙門島開船東南山嘴有淺可挨中望
東行使好風一日一夜到劉島收入宮前劉島開
洋望東挑北一字轉成山嘴望正南行使好風一
日一夜見綠水好風一日一夜見黑水好風一日
一夜便見南洋綠水好風兩日一夜見白水望南
挑西一字行使好風一日點竿累戳二丈漸漸減
作一丈五尺水下有亂泥沙約一二尺深便是長
灘漸漸挑西收洪如水竿戳着硬沙不是長沙地
面即便復回望大東行使見綠水望東行使到白
水尋長沙收三沙洪如收不着洪即望東南行使

日間看水黃綠水浪花如茶末水夜間看浪潑如
大星多卽是茶山若船稍坐茶山往西南一字好
風半潮北見崇明沙南見清浦墩沿岸劉家港如
在黑水洋正南挑西多必是高了前有陰沙半洋
沙嚮沙攔頭沙卽是瞭角嘴北便復回往正東行
使看水色風汛收三沙洪如風不便收不得洪卽
挑東南行使看水色收寶山如在黑水大洋挑東
多必是低丫可見隔界大山一座便望正西挑南
一字行使好風一日一夜便見茶山如不見隔界
山又不見茶山見黑綠水多便望正西行使必見

天津縣志

卷之十 海防

古

石龍山孤礁山復回望西南行使見茶山收洪後
住盡回帆程限一遼河口開洋順風一日一夜經
至鐵山南面山前帶東鐵二字望南行使經至成
山收入南洋望正南行使三日三夜經至桃花斑
水邊望東行使見白水帶西二字勒截點竿尋投
長灘一丈八尺漸漸減至一丈五尺望西行截揚
子江洪如尋不見洪內望下使必見茶山至茶山
後水溺船稍南面坐茶山望西行使半潮便見崇
明洲如若風順一潮送至劉家港口內拋泊若船
去回須記桃花斑水北有半洋沙嚮沙陰沙在洋

內須要提防凡空回還不可料程早早可使船小料亦如此卽防無礙一福建布政司水波門長樂港船廠門船水程地頭預要水手船隻護送沿港海島其神仙壁碧水屋山島去處古有賊船以一長便船開洋送至三岔河口如過一日二日至古山寺登山送香燭防東南颶作潮大過日平息送至望琪港娘娘廟前拋泊過日至長樂港口過一日至民遠鎮巡檢司過一日至總埠頭港過一日至福州左等衛告要水手船送過一日止五虎廟總福過一日至五虎門開洋望東北行使正東便

是裏衣山正北便是定海千戶所東南便是福清縣鹽場過一日至王家峪海島拋泊過一日至北高山巡檢司西洋山口好拋泊過一日至福寧縣晚收風火帮娘娘廟前拋泊過了一日至滿門千戶所防有天霧晚收艤艚巡檢司海口過一日至金鄉衛告要水手船隻引送過一日至松門衛過一日至溫州平陽縣平陽巡檢司海口至鳳凰山銅盆山防東南颶作晚收中界山拋泊過一日至盤石衛但見天霧在中界山正北島拋泊過一日南風行使至晚收北門千戶所要尋捕魚小列船

送過一日南風往北行使過利洋鷄籠山等潮可
行至松江港松門衛東港拋泊見捕魚船十五六
隻便是港口過一日等潮開船至台州海門衛東
洋山晚收拋泊過一日離溫州望北行使晚到桃
青千戶所聖門口拋泊過一日開洋至大佛頭山
屏風山至澗跳千戶所長亭巡檢司要水手魚船
過一日至羅漢堂山到石浦千戶所東門拋泊要
水手送過一日至定海衛放回金鄉縣盤石衛要
稍水手離石浦港後門出過銅瓦山後沙洋半邊
山黨公爵溪千戶所望北行使至青山門亂石礁
洋至前倉千戶所雙臍港騎頭巡檢司前拋過至
大嵩千戶所過家門山招寶山進定海港定海衛
南門拋要稍水船送燒總福娘娘廟祭奠開洋望
北行使至遮口山黃公洋至烈港千戶所海寧衛
東三姑山望北行使若至茶山低了至金山衛東
海灘松江府上海縣海套水淺望東南行使過晚
拋船等潮過半日大七山小七山過太倉寶塔望
東北行使過兩日兩夜見黑水洋南風使船一日
見綠水瞭見海內懸山一座便是延真島至津海
衛口淺灘可預避之按元時海道自平江劉家港

入海經通州海門縣黃連沙嘴萬里長灘開洋沿
山嶼抵淮安路鹽城縣歷海寧府東海縣又經密
州膠州界放靈山洋投東北行路多淺沙旬月始
抵成山計自上海至直沽楊村馬頭凡一萬三千
三百五十里其後再變自劉家港出洋子江開洋
落潮東北行離萬里長灘至白水綠水經黑水大
洋轉成山西行過劉家港入沙門島放萊州大洋
抵界河至直沽其道差有三變自劉家港入海至
崇明三沙放洋向東行入黑水大洋直取成山轉
西至劉家島入沙門放萊州大洋至直沽如遇風
順由浙西至北直隸不過旬月而已其道徑便

天津縣志

卷之十

海防

七